

ՈՒՍՏԻԱՆ.– Կանգնի տեղդ, կանգնի:

ՆԱԶԱՐ.– Տո, կնիկմարդը տղամարդ ծեծի՞... Էդ եղաւ մարդկութի՞ւն...
(Փախչում է մտնում կամի տակը: Գլուխը դուրս հանելով) Կա՛ց, ո՞ր
ես փախչում, գալի՛ս եմ: Զրեա եկա, անզգամ կնիկ... Դեսը տուր
դագանակը:

ՈՒՍՏԻԱՆ.– Դո՛ւրս արի, գլուխդ ջարդեմ, սիրտս հովանա: Դո՛ւրս արի:

ՆԱԶԱՐ.– Դուրս չեմ դա: Խօսքս խո՛սք է:

ՈՒՍՏԻԱՆ.– Ո՞նց թե դուրս չես գա:

ՆԱԶԱՐ.– Ես տղամարդ եմ. խօսքիս տերն եմ: Դուրս չեմ գա:

ՈՒՍՏԻԱՆ.– Զա՛, դե որ տղամարդ ես՝ կաց Էդ ծակուռում: Զողե՛մ
պարծենկոտ գլուխդ: (Ետ է քաշում:)

ՆԱԶԱՐ.– (Գլուխը դուրս հանելով:) Դագանակը տեղը դիր, թե չէ դուրս
կգամ:

ՈՒՍՏԻԱՆ.– Դո՛ւրս արի (Հարձակուելով Նազարի վրայ:)

ՆԱԶԱՐ.– (Գլուխը ներս է տանում:)

ՈՒՍՏԻԱՆ.– (Նստում է տեղը:)

ՆԱԶԱՐ.– Կնիկ, դագանակը տեղը դիր: Բնութիւնս վատ է: Վախում եմ
արիւնը գլուխս տա, վեր կենամ ջարդեմ քեզ: Դրա համար եմ ծակուռը
մտել: Ուզում ես, որ գեղամիջում ասես, թե կնկա վրայ ձե՛ռ եմ
բարձրացրել: (Միջոց) Դագանակը տեղը չե՛ս դնում: Լա՛ւ: Դե սրանից
դենը հերն անիծեմ Էն մարդու, որ իր խօսքը գետնով տայ: Կա՛ց Էդտեղ
ու սատկի՛: Դուրս չե՛մ գա: (Գլուխը կռիւում է ծակուռը: Միջոց:
Ուստիանը դագանակը վար է դնում: Նազարը գլուխը հանելով)
Դագանակը տեղը դիր, չարանում եմ:

ՈՒՍՏԻԱՆ.– Դագանակը տեղն է:

ՆԱԶԱՐ.– Դե՛սը տուր:

ՈՒՍՏԻԱՆ.– Արի ա՛ռ,

ՆԱԶԱՐ.– (Տեսնելով վայր դրած դագանակը եւ քաջալերուելով) Զերսից
տրաքուելո՛ւ եմ: Նա՛լլաթ չար սատանին: Վախենում եմ մի վնաս տամ:
Անզգամ կնիկ: (Դուրս է վազում ծակուռից, բայց հանգիստ մօտենում է
հացի սուփրին) Լա՛ւ, ես կռուի գլուխ չունիմ: (Նստելով) Մենք ցեղով
տղամարդ ենք, կնկայ վրայ ձեռք չենք բարձրացնի: (Գդալը վերցնում է
եւ շարունակում է ուտել:) Մի բան լինես՝ վնաս չունի, թե չէ ես
կթողնե՛մ, որ վրաս դագանակ վերցնես: Ո՞ր է, ահից մի սար էլ չես
գալիս, որ տեսնես ոնց եմ աւագակների գլուխը ֆռռացնում: Թե չէ տան